

宕陰存稿


書

柳田文庫

文庫11

A1275

5



文庫 11
A 1275
5

柳田泉文庫



右陰存稿卷十
水野氏世家
江門五鹽谷世
弘著

豐烈公諱忠元源姓水野氏照光公諱忠守之子而
長江公諱忠政之孫也長江公有九男六女照光公
其第四子而國母傳通大妃則其妹也初照光公屬
織田右大臣從軍屢有功去從我烈祖烈祖以其屬
為諸父厚遇之然晚節善病遂令終老相之沼目村
而以豐烈公為台德大君近侍當是時烈祖居駿府

右陰存稿

卷十

鹽谷世

大君孝思純篤。使公及井上正就等屢如駁府奉問起居。公醇謹。續密善承烈祖及大君之意。以周旋其間。以故有寵。與本多正純等稍參機密。及大君拜征夷。公叙從五位下。任監物。大坂役興。以小姓番頭從。傳令諸軍。悉得其機宜。先是烈祖令土井利勝告毛利秀元。宜與福島正則。黑田長政。加藤嘉明。留在江戶。秀元意不自安。詣利勝請從軍。利勝不可。曰。此大君所命。參其籌者。唯本多正信。正信今在京師。可奈何。秀元憂之。乃見公。曰。初吾與豐臣氏婚。

今妻已死。而以德川氏為配。則與大坂屬婬踈矣。尚何嫌而留之東也。公曰。卿若有異圖。吾族亦無類矣。此大事不可輕發。秀元曰。效命報國。在斯舉。所食言者。有如白。公因密言之。得允。乃令秀元從役。公參預樞機。而言聽謀行。大率此之類。明年夏役。公從戰有功。其臣森景家。鈴木重吉。岡野秀友等。獲甲首數級。九月封山川。食三萬石。拜執政。及大君上日光山。公造行殿於封內。大澤驛。饗之。警衛嚴整。執政傳旨褒之。又益封五十石。元和六年十月六日卒。年四十五。

鐵性公襲封。公諱忠善。豐烈公長子。年甫九歲。拜卿。可直攝行國事。寬永七年。叙從五位下。任大監物。九年。駿河大納言有罪。褫駿甲。令公與大久保忠成。收甲府城。青山幸成傳命於守城將吏。屋代忠正有難色。公進逼忠正。膝曰。卿將抗命據城乎。忠善今屠之矣。忠正意沮。遂收而守之。十二年。加萬石。更封田中。食四萬五千石。十九年。移封吉田。正保二年。再加五千石。轉封岡崎。食五萬石。公天資豪爽。好講戎備。聞有材伎士及名門右族沈淪者。重其祿以延之。卒以

氣節。士大夫矯矯。皆有衽金革之志。其前後移封。下令。亟徙。士皆背甲櫜。杖槍以行。遷不越四旬。公在國也。內無姬侍。居恒惡食麤衣。每晨雞鳴起。隆寒手叩盤水。以泔頰。待城鼓報卯。喚侍臣起。天既明。調馬二三疋。日出。諸臣朝集。自泣聽治。退就講武堂試伎。又入正寢對卷。或令儒生說書。夜則徵親臣侍座。揚摧古今。評隲理亂得失。以為常。常謂岡崎關東咽喉。而當尾州之衝。不可以不備焉。嘗聞尾侯屢閱兵。修繕城郭。使人覘之。不得其要領。乃鶡衣箭笠以行。繫精

馬於沿途七所。縷測湟塹。尾侯適在城樓下瞰之。謂侍臣曰。今測水者非常人也。必岡崎監物急逐以禽。公候探畧畢。將還。顧見若有衆逐已者。乃策所繫馬以走。得竟達岡崎。他日尾侯見公於江戶城。謂曰。孤驅大師以下。卿能過之乎。答曰。令公率西州三十三國之衆以來。忠善歇之必二十日。足以俟關東之援矣。世子嘗自江戶呈牋於岡崎曰。都下謗議騰起。請少留意焉。公乃悉會庶臣序進以問焉。曰。聞外人議予。汝庶士有知之者。直言無諱。僉拜曰。不知也。次至

步士。波多野鄉右衛門曰。臣知之矣。臣之未來宦也。周流諸州。善聽外言。所以知之。請劄記以進。可乎。許之。乃上疏一道。公覽稱善。舉長步士隊。明曆三年。江戶火。延及大城。大君徙居西城。掃部頭井伊直孝守門。公時在江戶。欵門請奉問左右。直孝入告。出曰。單身以入可。公曰。無馬則不中用。願騎以入。直孝戒以從。隻韉夫將入。從士排韉夫去。曰。吾代汝。猝而一士自後至。將奪其韉。公止之曰。甲既執。蔑須復代。其人艷然。乃睨公曰。君善記之。臣恨入骨矣。既歸。公召二

士賜之皆二百石。曰：罵我者，吉則無禮，意則可嘉。公猛而能寬，務攬士心。大抵類此。或謂公曰：君春秋既高，宜畜侍妾，亦攝生之道也。公色愉曰：買妾用幾何？金對曰：賤者不踰二百金。公取貨付之曰：汝適

京師，取佳人中吾意者，將退，公喚之還。頻頷曰：止。吾再思之。侍姬竟非攝養具。汝如信州買駿馬以來，乘以調吾體，養生孰過焉。世子初擢甲，設宴，公命一耆老為賓，世子結束既畢，踞胡床以坐，賓稱觴奉之，祝曰：美哉暨暨乎！將為經文緯武之將，以揚祖先之耿

光。旋而視其背，大聲曰：其中未可保也。撞墮之床，闔坐愕然。公大喜曰：使忠春志斯言，臨事輒省之，庶乎其能為將矣。重賞其人。公饒膽畧，重然諾，親舊諸侯有事難處者，多就公諮詢。淺野長直自笠間遷封赤穗，赤穗無城，長直恥之，欲出私財以築，與其宗族議宗族皆難之，乃言之。公為詣執政，堅申其請，事乃成。公前後所招納之士甚衆。秋元天兵衛，舊事本多忠純，忠純謂天下豪傑，唯有已與秋元耳，乃用拆字法，賜名天兵衛。天兵衛後去家居，尾侯聞其能，以祿

千石辟之。不應。公徵之。即來。賜二百五十石。以為司旗衣笠團右衛門。大坂役年十七。屬長束某。健鬪有功。去隱都市。貧甚。而志操不少挫。公聞之。旁搜三日。乃獲焉。即日遣士齎百金及衣一襲。邀以至。至則延見正堂。給以俸百苞五十人口。以為步卒隊長。他如志賀隆清。川越久弘。岡本重信。松野尾才藏。皆一世豪士。公咸優遇之。夫人莫不思效命。延寶四年八月廿九日卒。年六十五。通霄公襲封。公諱忠春。鐵性公長子。承應三年叙從五位下。任右衛門佐。天和元年

為奏者兼寺社奉行。廷議廢新建僧寺。在亥歲以下者。盡毀之。月桂寺者。牧野成貞香花院也。法在所當撤。以成貞有權寵。更議特存之。公曰。法不當廢乎。檀越雖卑。不得不存之。當廢乎。檀越雖尊。安得不毀之。當官行私。假令能欺人。奈鬼神何。且權貴墳寺尚首毀之。如是然後法立而令行。識者躡其正議。貞享元年。公假守大坂城。家士居江戶者。篠崎與左衛門和田玉甫。與品川寺主僧仲性院游。仲性院者。大約言日野廣資之庶子。為僧以善祈禳。出入宮闈。大姬乳

母尤信之。厚貨以祈禱。仲性院利之。稍事淫酗。資財日蕩。乃與蔣崎等謀。多借賈人金。不反。賈人訴之。官時公新歸自大坂。牧野成貞謂公曰。有大乳人書札在與左衛門所。盡檢諸。因鞠得之。書中所言。有事微涉官秘者。獄具。二年三月。仲性院處流。與左衛門王甫當斬。公為監。邸門月餘。五月。罷奏者及寺社奉行。為誥眾。為與左衛門王甫故也。初。鐵性公好士愛馬。季年有騎士三百。步卒六百。他官吏胥徒稱焉。而撫養甚厚。以故稍增租賦。民多逋債。公患之。盡免逋租。

稅斂徭役可省者省之。采地俸祿可減者減之。量入以為出。令田租穀祿乘除相當。而士馬比田賦尚多云。公畧涉文武。旁修禪理。晚節乃以為學。莫越乎堯舜周孔之道。如禪錄火之可戒。世子勿讀竺典。元祿五年十月十五日卒。年五十二。太雲公襲封。公諱忠盈。通霄公次子。延寶六年。叙從五位下。任豐前守。元祿九年。為奧誥。時宮中猿樂大行。諸侯給事中者。莫不為之。公乃募士庶子。解音容者。莫有應者。人乃益知祖宗尚武之風入士肺腑之深也。是歲十一月六

日俄有朝命使如

京師問

上皇病午下受命日脯即發晝夜兼行六日而達公無子以主水忠之爲嗣十二年八月四日卒年三十八高隆公襲封公諱忠之通霄公第四子幼出嗣清吉忠近家稱主水食二千三十石歷使番至新番頭及太雲公疾病朝有內旨令公代後收其采邑元祿十二年叙從五位下任大監物十四年淺野長矩刃吉良義央於廷朝旨執長矩幽之田村建顯邸令公馳

入長矩邸諭其家士毋得騷擾明年有朝命囚長矩故臣間光興與田行高矢頭教兼村松高直間瀨正辰茅野常成橫川宗利神崎則休三村包常於邸公以其與他罪隸異科也斟酌典刑待之恩意懇至至都人謳歌之寶永二年爲奏者正德元年遷參政四年轉京都所司代叙從四位下任侍從轉和泉守有德大君新立召拜執政當是時承元祿寶永之弊憲綱頗弛倉人出備厥粟託之牙僧以爲已利諸殿空虛公素聞之謂勘定奉行曰余將點視淺艸倉廩宜

預告之諸吏。倉人大駭。乃令米商輸穀。車聲囂路。公使人偵視。度其已實。乃與勘定。奉行巡視。開高觀之。公曰。吾聞囤倉盡虛。而今如是。人言果不足信也。吾當緘之以塞後言。取印授吏。悉封高鑄。大君天姿英明。銳意治平。任公總會大計。責以富強。公執法嚴峻。不顧人毀譽。善節用省費。諸曹所請。一切弗報。請之再四。不得已者可之。至於躬親入庖厨。點看細務。前後釐害興利。不可勝計。大城內郭。環以堞壁。歲時修完。費尤鉅。公建議撤墻樹以松。以爲蔽障。識者謂天

下有道。守在四夷。和泉守之見。於是乎卓矣。大君欲新立職俸之制。問學士室直清。以古今祿田之制。直清條議上之。因與公謀。建每職增給法。原秩五百石以上。得累陞爲五千石官。身死則復故。由是材賢得進用。而田無濫出之弊。大君以恭儉。率先天下。不損下。而儲侍充實。至於民號曰米將軍。翼亮匡弼。公與有力爲。享保十年三月。益封萬石。以褒其勞。并食六萬石。大君以氷川祠。潛邸土神。將陞其祭儀。以比山王神田二祠。下執政議。公謂若然。則他日有三親藩

又纘大紗者。皆將崇祠其土神。無乃命祀太多乎。大君弗懌。十五年。大君召監察於寢殿。問士民疾苦。且使言執政善否。問及公。對曰。廉則廉矣。然治敢行。少緼藉。吏民凋敝。大君曰。予惟信之。不圖其至此也。六月。以老罷職。大君面命慰之。手自賜佩刀。申以恩言。公感謝而退。將入政事堂。童坊止之。公曰。誰居教汝者。曰。故事乃爾。大監察亦云。公罵曰。痴豎何知。見舊僚陳謝。以拜恩之辱。且曰。議事過激。數失辭色。賴諸公寬容。幸見保全。獲免罪戾。以至于今。敢謝不敏。又

見參政。言之如與執政言。出童坊先行唱導。既下殿。隸夫唱道。辟人。壹如居職時。朝士相語曰。和泉守之。豪也。如是。宜矣。其爲人所畏也。公外簡而內機明。周知人情。國老水野信英。松本尚綱。皆賢雋。公厚任用之。嘗恚侍豎岩崎勝武。以帶搯其面。勝武退自剔其髻。出奔。留書曰。臣仕自先公。未嘗受搯面之辱。今被搯士節。廢矣。公大悔。謂國老曰。宜謝吾過。以及勝武。信英曰。君所以自責。則善矣。然聞罪已之言。以還勝武。武必不敢。若曰。背君不道。當賜自裁。則來矣。乃令信

英如其計以召之。公見而慰謝。稍進用之。松本尚綱。其先曰大學助忠繁。仕上杉謙信爲隊長。鐵性公時。招其孫尚澄祿之。世爲顯職。至尚綱好學。有文武器。幹公之執大政。退朝每召尚綱。屏左右謀事。初甚寂。頃之儀論蠶生。聲氣俱厲。既罷。公謂侍臣曰。尚綱不恭乃爾。毋許復入。既而又召見如初。公屢責其無禮。而尚綱弗少改。或謂公曰。尚綱韞如是。君盍黜旃。公曰。吾不居政府則已矣。一日在府。斯人庸可少乎。其知人善任如此。既免職。乃乞骸骨。薙髮自號祥岳。游

盤一室。奉已如寒士。十六年三月十八日卒。年六十三。陽德公襲封。公諱忠輝。高隆公次子。寶永二年。叙從五位下。任右衛門佐。後轉大監物。享保十八年四月。執政傳旨。褒先世以來國政之善。因賜賚家臣有差。元文二年七月二日卒。年四十七。太照公襲封。公諱忠辰。陽德公長子。元文二年。叙從五位下。任大監物。延享元年十二月。賜民田租之半。士大夫有負金者。悉爲償之。公性聰慧。從幼耽讀書。侍臣恐其生疾。徐勸之游。時至花街。公樂之。荒佚稍甚。牛尾胤明山

田直衡松本尚張相謂曰。公之滯溺不亦甚乎。如此不悛。則禍及宗社必矣。當此時。宗社爲重。寧負公。毋負先君。乃陰圖廢之。時有太夫人喪。公將出拜墳。輿從已具。公更衣服。出坐正寢。胤明直衡尚張進曰。太夫人有顧命。君惟薄不修。宜深居以思過。乃請脫佩刀。寘諸深室。寶曆元年十月十一日也。明年三月告老。八月十六日卒。年二十九。寬齡公襲封。公諱忠任。平十郎守滿子。守滿系出多宮守重。守重實爲豐烈公兄。胤明等既廢太照公。因請以爲嗣。寶曆元年十

二月。叙從五位下。任織部正。尋轉和泉守。十二年九月。遷封唐津。六萬石如故。岡崎民聞是命下。悲愁。欲訴于官。以請中停。里正每村二人。坊長每巷二人。相率赴江戶。有司使追而止之。民尚有從間道走者。郡宰乃作條諭曉之。召反東行者。民然後止。安永四年告老。文化八年十二月廿七日。年七十六而卒。公清儉端慤。無聲樂嬖幸之好。又不喜賓客及臧否人。起居飲食。盡有常度。數十年如一日。性好潔。然不爲華飾。服御尚渾朴。一物或終身不易。及卒。有內帑二萬

餘金。以遺令頒賜諸臣。隆龜公襲封。公諱忠鼎。本安藝國主淺野宗恒次子。明和四年。爲寬齡公養子。叙從五位下。任左近將監安永八年。爲奏者。其就封也。巡視長崎入蕃館。延清客見之。客問曰。君祿秩幾何。象胥曰。六萬石。清客色疑焉。象胥曰。君元生□於藝。藝四十餘萬石。出嗣唐津耳。客曰。果然。堂堂乎大邦之辟也。公雖生巨藩。恭儉出天性。御下平恕。絕不見愛憎。博綜技藝於銃馬特精。嘗如郊見鶴。銃射之。既就照星。顧謂侍臣曰。彼得非曩日所放者乎。因令往

視焉。復命曰。然。公曰。既生而又殺之。吾不忍爲也。乃止。其性度雍容如此。享和元年。建學於治城。命曰經誼館。文廟講堂塾舍悉具。以水野元彭爲學政都司。司馬彌爲教授。設助教讀副授讀。歲時公親臨。拜奠先聖。聽儒士說經。初松本尚綱受業物茂卿。嘗曰。士大夫不可不學也。不學而執事。猶如無燭而夜行。宜勸學尚道。俾上下嚮化。於是薦大內承裕。秋元以正爲教授。然未及興館。至此文學益盛。文化二年。告老。公素好詞章。愛司馬彌。數以詩歌贈酬。或時臨其

家及解職。逍遙文酒。自然自適。以文政元年八月三日卒。年七十五。德照公襲封。公諱忠光。隆龜公長子。天明五年叙從五位下。任式部少輔。尋轉和泉守。先是陽德公以來。優待巨室。政事壹委之。以故國老稍稍擅權。隆龜公以身爲義子。尤寬容之。公自在儲室。深知其弊。文化二年初就國。將日視朝。二本松義廉曰。大事則請旨。小事則國老專決。先朝故事爲爾。母煩君日視之。公曰。國君紗治。事無巨細。須日聽之。何故事之有。自是漸奪其柄。汰者黜焉。強梁者抑焉。公

英氣高邁。有鐵性。公之風。群臣大憚之。而其事太公。愉婉發至性。清德夫人嘗謂世子曰。公在太公側。恂恂怡怡。至於聲氣皆變。比諸平生。劃然如二人。不亦異乎。有掌鑰吏獲罪被放者。其夜公飲酒不樂。侍者請罪。公愀然曰。又喪一臣矣。聞者咸泣下曰。昏徒之微也。猶如是。而况於爲士大夫者乎。公多內寵。然舉子輒放遣。曰。毋令北鷄晨也。訓誨諸公子甚嚴。而未嘗面贅之。聞有怨。常召其傳侍責之。以故近御尤竭心輔導。而諸公子以法度自勅。唐津肥前之要鎮也。

東通佐嘉南制大村。西控松浦。地與外藩諸侯犬牙交錯。而長崎蕃舶所出入。相距數十里。邊海有警。則當首防備。故國家封唐津及嶋原。必以勲舊世臣。令聲勢相倚。公因倂親信二人。變貌為普化僧。周流旁近諸州。以訶其動靜。往親命之。其還也。亦面問之。雖國老靡有與知者。文化九年致仕。十一年三月晦卒。年四十四。今公襲封。累世墳廟在北總萬松寺。雖封換而皆就葬焉。德照公曰。群臣常謂唐津風土不及岡崎。予則深愛唐津。若有子孫封或轉者。吾精魄則

當永留于斯土。以護國家也。故逮其終。今公追成先志。特埋衣劍于唐津雄嶽。建碑以記其事云。

澹齋長沼先生傳

先生諱宗敬。字外記。號澹齋。信濃松本人。長沼五郎宗政之胤也。其先出小山結城氏。中世有居野州長沼城者。因以氏焉。祖山城守廣輝。據奥州南山城。元龜中嬰城戰死。父廣次屬高崎城主榭原侯。遠江守家次從大坂役有功。後依丹波守戶田侯。重光出羽守松平侯。直政於松本。及松平侯遷封松江。廣次從往。後去而

沒先生生而知禮。比三四歲。在親前。未嘗平立而旋。鄉里號奇童。初依丹波守戶田侯于明石于加納。侯嘗設倡優。縱臣庶觀。先生獨注目君側。不頃刻轉眄。意若警非常者。有倉滿某者。熟視異之。謂人曰。此兒必成偉器。年十二。仕為近習。祿百石。十六歲。上疏言事。後又進讜言者數。卒不合。去赴江戶。從安達彌次兵衛學書翰式。一日火延其宅。多失書篋。內有秘籍十餘卷。安達憂曰。吾學絕矣。先生乃以所默記。綴緝進之。迨後獲原書。比校不失一字。安達大奇之。以其

妹妻之。薦之筑後國主有馬侯。

玄蕃頭 賴利

食二百五十

石。寬文八年辭祿而去。筑前國主黑田侯

右衛門 佐光之招

以重祿。先生曰。吾聞兩筑之祖。舊有怨讎。國家不幸有事。釁隙再開。則吾於致躬也窮矣。固辭弗就。初先生。在加納也。游僧寺習字。聞旁兒讀小學。輒能記之。僧為摘其文講解。先生大悅。自是篤信洛閩說。以持敬為主。以聖賢為必可及。沈研經術。旁學甲州兵法。既而曰。世所傳武田氏兵法者。多小幡景憲輩所割裂彌縫。非當時信傳也。吾為武門胄。不可以不正焉。

於是鑽極古今韜鈴。聞有身經戒陣者。必往質之。至銳馬曲藝築城制。靡弗窮究。原諸三代師律意。參諸孫吳七子。下稽明將俞戚之法。量時宜。驗實效。網羅參伍。明辨精遴。著兵要錄二十二卷。以建一家言。大要射馭刀槍。原之本邦。節制紀律。取之漢土。大小火器法。則參用西洋。嘗語門人曰。吾錄三分書也。二分在口訣。五分則在學者自得焉耳。後來有善用之者。不必株守我法也。而其最所深悟者。風后握奇。武侯八陣也。述握奇八陣集解。以糾公孫弘。獨孤及輩之

失補。李靖趙本學等所未備。自以千載不傳之秘。於今發焉。一時聲譽高海內。諸侯爭請為師。然先生不欲以兵家自名。又不喜奔馳侯門。其應請以二三家為限。必先說經。然後及武備。前國主芳烈公松平新太郎光政請看其著書。乃抽出師篇呈覽。公深嘉之。嘆曰。俾予齒尚壯乎。將從斯人而游也。今老矣。靡及也夫。乃令其臣日置伊右衛門從學。明石城主松平侯若狹守直明以客禮延之。廁諸國老。與聞政務。居五年。去隱城。州伏見里。或曰。以禮貌衰也。或曰。熊澤蕃山游明石。

謂公曰。武事有長沼宗敬在焉。文事則君請與臣圖之。其學又先生所不喜。故去。元祿三年十一月廿一日没。年五十六。先生器識明達。有異材。端莊廉儉。言無虛偽。行由規矩。於出處進退。及守正防異。尤所用心。有僧白底者。屢來聽講。後化還俗。藤井懶齋語人曰。吾聞澹齋雖通經而意兵。意謂必有武弁風。迨見之。學術醇而踐履篤。吾益友也。聞其死。深悼之。前没三日。先生召寺僧。約以葬。依古禮。命藤井象水理後事。象水者懶齋子。而學於先生者也。學徒後先數百

千人。其尤著者。佐枝尹重宮川尚古。尚古。小濱人。仕筑前國主黑田侯。所著有兵要續錄。尹重始仕新庄領主桑山侯。義作守一尹又仕備後守酒井侯。最後仕伊賀國主藤堂侯。和泉守高時著握奇八陣或問。再辨單騎器械制等書。二氏門徒甚盛。故先生之學。分為兩派。享保中。有人進兵要錄於有德大君者。大君賜覽嘉賞。稱為無雙兵書。逮寬政時。會津國主松平侯革新國政。其戎制多取長沼氏成規。於是乎先生之道益得所施用云。

鹽谷世弘曰。或問澹齋先生曰。握竒書果風后所作乎。先生曰。不必論作者真偽。吾取其陣法之蘊括乎此耳。必欲觀聖人之兵。大易師卦盡之矣。觀乎斯言。其所詣蓋超然遠矣。世或以先生生在偃武後。取其書以爲几上空談。殊不知思之通也。必神而智之至者。變來卽應。古之名將。有少年就戎者。有脫逢掖被介冑者。彼豈經事閱陣而後能乎。且江帥身未曾汗馬。而其門下乃有源奧州。明俞大猷稱一代良將。而其師趙本學。眇然山澤癯儒耳。學之不可以已也。先生之道大行乎世。庸詎知百載之後。涉其流。溯其源者。不有奧州大猷其人出焉乎哉。

川西士龍傳

川西士龍。名潛。號函洲。江戸人。吉田藩中井封。豐次子。幼爲義子於舉母藩。川西惟孝。初不喜讀書。其兄豐民勸就學。曾歸自塾師許。請惟孝放遣。下庭堅坐不動。惟孝不解其意。馳召豐民。至。士龍張目曰。弟今日聞螟蛉子之非義。伯子服儒。而使弟不得爲大夫。何豐民曰。此自先子意。予時尚少。不能止也。因百方

諭之。至數日，然後肯服。乃不復言。豐民知其有志氣，託之竹村。黃、黃奇杰士於人罕所可，獨喜士龍。獎掖激厲，期其大成。士龍亦篤信不疑。黃與一權人鬪，瘡之刺及於肚，以召士龍。囑以後事。士龍慷慨奉誨，畢力籌辦。視遺孤如昆弟。壹舉黃所教以施之。曰：此吾所以報先師也。惟孝嘗病癱，不霎時離左右。間輒詳錄其症，以諮醫師。看護備至。雖所生無以過焉。鄰近嘖嘖稱其孝。有族人當嗣家者，以無行被廢，異居。士龍既襲祿，多分器財與之，毫無畱容。年二十五喪父。

服除，入昌平鬻，以其晚學，大發憤鑽極。議論勁鷲，有鼻端出火之槩。既而游平安，居周歲，去航西南海，訪國治民風。縱觀英雄遺圖，還下帷萱街，授生徒。然士龍勇於義而怯於利，故厨下屢空，而不少戚。意與跡弛非常之士，來往為文酒游，類放浪遊樂，拋棄世事者。而於道義大節，確有所操。故朋友相目，以為吾黨之石曼卿。逮侯戍大坂，以儒官扈從。侯好物茂，卿學暇，則會侍臣講習。士龍學宗新安，議論多弗諧者。勃率理窟，弗究弗已。一日與侯論某事，將屈，乃草文白。

之。侯亦文荅之。復逆至再四而後止。後復從適封。有言者。潛宜攝吏職。侯不荅。笑謂左右曰。俗輩謂學士無用長物耳。士龍抱經國志。兼有鑑識。間與侯語。某廉能。某忠幹。某無行而有才。某貌莊而內往。侯陰用其言。嘗與侍臣某論諍過激。二人俱獲譴。後薦某超遷。其奉公忘私。率類此。時諸侯多貪。有司拱手無策。大抵假貸豪賈。以應急。甚至分田付焉。以充息。侯謂不治本而事末。非政也。於是銳意求治。以圖富庶。士龍謂叵觀之主也。方思大展力。侯意亦深注焉。而天

保壬寅二月告病閉居。是月十九日決肚以死。矣有上書一道。侯覽而大駭。俾侍臣馳問。未殊。肅容整衿以拜。頃之絕。侯為悵快不樂者累日。後過其墓。竚立良久。狀似有與之語。從者罔不惻怛。母氏親戚與最所交善者。貽書暨詩以訣。皆以君寵母恩未報為言。隻辭不及家私。然莫能詳其所以死也。士龍高顛感。羈矐光可怖。而事母至順。其在膝下。温温如女子。天資磊竒。以匿瑕護短。粉飾瞞人。為深耻。取友必擇。見鄙吝巧詐。修邊幅者。至睚眦視之。然與眾接。不設畛

域雖佃兒販夫得交膝談笑亦可見其耿介而有量矣。有子善太甫七歲侯下書曰。潛平生履道勵行。將爲國家用。而遽引過失自殺。不可謂不儆。吾念汝祖先之勞。又嘉潛忠志。特命嗣家。與俸若干。宜體君父之意。勤學成材。以懷有供用焉。別餽其母粟。歲時存問。數賜衣物。聞者莫不感泣。以謂士龍雖死猶生也。死時年四十二。

鹽谷世弘曰。觀士龍贈友之書如玉其几。擅其藉。由由然簡精毫以揮焉者。千里之外。可想見其含笑入泉之槩矣。而其辭則不過曰。道藝不成。負君眷寵焉。爾然士龍學邃行潔。移孝以忠。獲乎其君。言聽謀從。有何所負。而至於然耶。昔人云。臣客食陛下三十年。恩澤厚矣。無所欠。所欠者只一死耳。噫。嘻。士龍一死亦不欠。可謂有知死之勇也夫。

鈴木春山傳

余初聞田原藩有鈴木春山者。醫而好劍。奇男子也。欲一識之而未得焉。偶訪其藩邸某氏。觀清與厄魯特戰圖。座有削髮人。骨格奇雅。一睨知其爲春山也。

謂曰。聞子好劍。劍法如何。春山手撫頂曰。好劍者。故吾。今乃欲學泰西兵法。徐徐指點圖幅。說萬國戎裝。器備陳制。失得。余大竒之。把臂定交。後十餘年。三兵活法。海上攻守。略說出。其言曰。兵以知己知彼爲要。方今昌平三百祀。文武恬嬉。而西洋日尋干戈。我政日精日新。則不獨當索彼情形。在。我又有不可不變其局者焉。是編所以示之端也。書出。人爭購之。有識慮者。據此參伍取舍。以經略洋防。天下兵制。殆將一變矣。先是英吉利攻清。清人屢敗。終割地納幣以

和。春山慷慨曰。震不于其身。于其鄰。正。我今日之謂也。有軒睡林第者。吾將跼而覺之。嘗謂人曰。甚矣英之巧而清之拙也。英之出師。多以夏秋。而陸闕用榜葛刺人。清乃調韃兵當之。夫以熱日使南人與北人。孰利孰害。不俟智者而後知。且英不務深入。避實擊虛。雖日費千金。而數年後。倍蓰償之。皆算之預定者。而清人懵然不察。至防戰不邀于外洋。而縮縮焉。徒守口岸。敵森然而來。倏然而去。不知所措手。其取敗也宜。然清則已矣。吾竊有所憂也。及聞英佛二

國求互市於流虬也。曰果然。向者需于郊。今則需于沙矣。講究守禦術益切。將建策以選兵。製大煩造堅艦。開硝田。志未竟。以弘化三年閏五月十日。罹疫疾而沒。臨終拊胸大息曰。大丈夫不馬革裹尸。而徒死于衾褥上。今何等時。因大呼天者三。遂瞑。年四十六。春山名強。字自強。春山其號。為人疏快高率。不拘小節。與王公大人語如交友。雖在君側。掉頭搖手。縱談經世大務。君亦不以苛禮責之。嘗為一諸侯所招。在子舍。候入。春山方箕踞手杯。以頭頻席耳。候意象殊

喻。進膝談論。候有威容。左右屏息以侍。而春山藐然忘其勢。人方之。西行見源將軍。老母深佞佛。昕夕擊木魚。朗諷梵唄。春山讀書其側。竺音洋聲。相和諧諧。每延僧說法。著公服侍坐。惟謹。志尚義勇。厚於任恤。有人受非理屈者。捐身救之。或為慮後患。告戒不少。顧初在田原。醫大行。屢有奇效。逮來江戶。覃精韜鈴。有請治者。書方劑與之。少從朝川善庵游。略涉經史。觸思賦詩。亦清奇可誦。蓋其才無施而不奇也。而又奇于命。哀哉。余於春山為莫逆交。故為之傳云。

贊曰。嗚呼。春山踈亢而獲乎君。木彊而悅乎親。其何以能然。蓋木彊者外。而內則仁。踈亢者貌。而情則淳。資其仁淳。用之于醫于兵。可以生人。可以殺人。厥惟可謂之一邦之珍也夫。

森白高傳

森皜字白高。別字宇左。衛門江戶人也。世仕舉母城主內藤侯。爲宰臣。白高歷事潤惠豐安峻聰三公。豐安公時。慎德大君新立。厲精圖治。群賢不次彙進。豐安公素以有文武才聞。朝野望其入而參贊大政。白

高既爲宰臣。與同學川西士龍相共訪求經世要務。冀其君登庸以紹寬政諸賢丕蹟。居上幾時。相二三公。相尋黜免。時事一變。豐安公亦卒不入政府矣。白高爲人慷慨。精力過絕人。好學。自凡治邦安民。至兵法火術。籌海書。得佳著。輒手寫之。焚膏繼晷。孜孜不倦。所贖錄數十筐。積置座右。反覆披展。朱黃爛然。必得其要領而止。士龍磊竒士也。與白高意氣深投。皆有斗餘量。動輒文酒徵逐。當耳熱興酣。大聲激論。不相屈下。比鄰聞之。恐其爭鬪。終乃喧然大笑而去。以

爲常。予因士龍以識白高。白高亦因余以識安仲平。芳叔果等。雖官事鞅掌。而偷閑以與達人名士交。嘗與仲平等。會山寺之林亭。同人皆縱意痛飲。遂大醉吟舞。鳥雀驚飛去。一時豪游如此。時天下邳隆晏然無事。然同人聞清有鴉烟之亂。莫不竊抱杞憂。集輒論究兵備。白高尤留心海防。日夜有所劈畫。以思施於事。而年五十九。中風以沒。文久三年。十二月十日也。先沒期年。予與仲平叔果俱陞仕大朝。時白高已卧蓐。一日往問。白高擡頭。慨然論事。然舌蹇澁不能了。只聞云。期期天下天下。遂攬涕而訣。

贊曰。文政天保之間。天下何其昌也。而士龍白高相尋溘亡。而同游之士。亦皆髮蒼蒼。嗚呼。後之人。其有感乎吾黨之交態邪。抑將有感乎人事之相推代邪。

宋呂本中張子厚皆謂書須成誦。朱文公取其言一載之小學。一載諸近思錄。誦之不可已也。其因天時者。在小戴之記曰春誦夏弦秋學禮冬讀書春誦者暗讀也冬讀者研經也陽氣暢而陰氣肅朗誦宜陽暢之日潛研宜陰肅之時先王立制之意爲然。秦漢以下禮樂崩壞。因時之教無得而聞。宋葉模創意建夏課曰五月以後天氣漸暑不能泛及他書即日專誦六經。至中秋時畢。謂之夏課。此亦善用禮意者也。蓋記誦之學。達者謂之玩物之流。然下學而上達。宜

尼之所訓而行遠必自邇。乃聖門之成規。得魚忘筌。指月忘指。記誦安可廢哉。今倣葉氏法。創夏誦。不謂之課。而謂之誦者。所主在背文也。夏誦之式三焉。一曰正位。面明窗而設淨几。無得欹邪。二曰整容。兀然端坐。收息臍下。肩背竦直。腹與鼻莖齊。三曰朗讀。不舌澁。不口吟。字分句明。琅琅如出金石。如斯則神定氣收。虛室生白。至靜勝熱。於以銷夏日也宜。而其要訣在於讀一字斯行一字。是則無冬夏之別者也。

格心說贈松岡欲訥

能格君心之非爲大人。大人者知人既明。簡其德而置諸君側。使侍御僕從長幼卑尊。莫非正人。其燕居則瞽諷詩。樂師誦箴諫。士大夫陳善閉邪。凡有舉動。史輒書之。則人君所耳莫非正也。所目莫非正也。所言所行。悉不得不出於正焉。又恐其張而不弛也。遊其宮嬪侍姬。使靚粧麗服。婉婉徽柔者。琴瑟以宣其湮鬱。風雅以養其清明。是以雖閨門之內。宴游之間。亦皆莫非正矣。君或晏起也。姬姜脫簪請罪。或愆于飲食也。膳宰引典揚過。將製異服也。司服曰。祖宗無

此制矣。不敢奉命。將聽新樂也。司樂曰。非職所及也。不敢奉命。將爲奇器淫巧也。百工執藝事以諫。如此則玉杯象箸不得創造。而荔枝之徵。官市花石綱之令。必不可得焉。故宮有樊姬。則驪戎不敢進其女。勃鞞頭須侍側。則豎刁易牙不可得近焉。使人君過未顯。而耳目心知皆移于正。所謂格心者用是道也。後世禮制疎濶。官無矩矱。而誨人壹以講說。蠹簡枯竹之言。喋喋聒其耳。而人主已欠伸於上矣。至其甚者。折柳則規之。照鏡則責之。束縛王公。如牛馬然。惡在

其為格心哉。土佐松岡欲訥侍講其君。祇役期年。今茲將歸。為格心說贈之。

地氣說

地氣之游移遷轉於五方。而盛衰于一隅。猶如日月出沒于東西。升淪于南北。而有晦明溫冷之異歟。其為數。遠者五百歲。近者二百歲。人與地氣相為盛衰。而國之泰否興亡從之。且以近古觀之。當竒渥溫氏興於蒙古。地氣嘗盛於西北矣。滅國四十。拓疆數千萬里。西延歐羅巴。東將欲吞我。北條相州一舉殲

其二十萬眾。

是役元史稱十萬。荷蘭檢夫爾書稱二十萬。考諸野史。稱蕃漢步騎二十萬者。

朝鮮軍及他客兵或參之歟。故今從檢夫爾書。於是地氣屈而折。漸遷于東

南。而我建武中興。暨明朱元璋之興。適當其會。又

二百餘年。益遷而極于東。我三河尾張為最盛。隔

海則在長白山之東。又百餘年。漸轉而移于西。西洋

諸國相尋而興。亦迭有隆替。至今猶雄者為鄂羅斯

英圭黎。而衰運徵兆矣。嘗聞。

我邦山嶽火脉最多。地動者火脉之所由致也。客歲

陽焰方旺。地維大震。東海之波瀾。聳怒洶騰。蹴天門

撼坤軸。汨丘陵。襄城郭。為數百千年未有之變。大凡大慝氣之後。必有大淑氣。客歲之變。或者得非地氣將大轉之兆乎。夫人者天地之主也。方今六十之州。男女蓋五千萬口。豈不有真人出乎其間耶。不興于上。或興于下。誰居能乘地氣之旺。以挽回天運者。作地氣說。以待其人焉。

加藤公像贊

勇蓋三軍。忠奉一姓。不以衆寡動氣。不為盛衰改行。矧復治兵濟寬猛。立德該智仁。措勝在手。量敵如神。

豈惟一槍之雄。寔是百將之冠。所以殊域異類畏之。如夜叉。愛之如慈親。奈何宗祀二葉而殄。威靈千載獨新。猗嗟浩氣之塞。凝為神祇。偉人之精。箕尾之騎。若公之靈。其莫有蓬勃軒騰。六五緯而四三台矣哉。

讀讀孟嘗君傳

王安石謂田文。鷄鳴狗盜出其門。此士之所以不至。以予觀之。魏子馮驩之出其門。繇養鷄鳴狗盜也。鷄鳴狗盜且養之。矧非鷄鳴狗盜者乎。且有郭隗而有樂毅。有徐庶則諸葛亮出。有魏馮而未能致天下之

士者身從北面故也。烏得以南面制秦責之。然文未足言也。安石爲首輔。而延蔡京呂惠卿之徒。以擾天下。非由好同而惡異耶。夫好同而惡異。由無養鷄鳴狗盜之量焉爾。嗚呼安石特雕蟲文士。亦鷄鳴狗盜之流哉。

題村上義光碑陰

使君在播州乎。據摩耶而捍賊者。烏知非在君而不
在赤松氏耶。使君在船上山之傍乎。翼
帝而衛之者。烏知非在君而不在名和氏耶。然是尚有

其人也。方兵部王之幽土窖。使君設在焉。則烏知不取王而保之耶。又烏知不伺賊奴之弑王。摔而屠之耶。君中道死也。之數者皆不可得。豈不惜哉。世或以漢紀信比君。然信死而劉氏賴焉。以帝。則信死之日。猶生之年也。君則先死以活王。而王亦抱大冤以死。君之目其得瞑於地下乎。雖然君之死。予竊謂之幸矣。中興之業不終。非臣下之力所能回也。以新田公之雄勇有衆。其終乃中流矢。殪於一無名賊兵之手。夫同一死也。中流矢殪於一無名賊兵之手。孰若當

大軍之鋒。赫然稱
皇子以死。而中興之事。暫舉乎哉。

刪訂文致引

文之有景事情意。猶如人之有眉目口耳也。景事情
意。精切要妙。風致豈不動人。原選間收。淫靡之作。景
事雖奇。而情意不正。不可以為訓。及駢儷之文。今皆
芟除。至漢魏八代名流。唐宋大家之傑作。從前多評
鈔。學者蔑弗誦習焉。故亦不載。李郭易營。而旌旗異
采。覽者自得之。

日於保嬰瑣言引
堀內君粟米澤人也。為人謹嚴而淳厚。以方伎名家。
曩者予獲異疾。手足廿指。晨昏發紫赤色。奇痛不可
忍。衆醫莫的候病源。君粟曰。此頑癰內攻之證也。因
服其藥得瘳。君粟泛覽經史。好詞藻。亦時以翰墨相
歡。既而歸老于鄉。亡幾何。卒為隔世人矣。予為文祭
之。有言報德未罄。謝恩無期。渭樹江雲。昔猶寄懷。清
風明月。今誰與歸。其交情如是。初君粟譯遠西醫書。
作幼幼精義。就中擇其切要。以為保嬰瑣言。意欲為

父母保傅者。明保赤子之方也。蓋其人謹嚴也。故其譯書精而確。淳厚也。故其論人剴而摯。世之讀茲書者。篤信而遵用之。則庶幾可以保嬰孩而躋壽域矣。雖然。君粟之術。豈獨保嬰孩而已哉。

近古史談引

春首南風揚沙。破窻簸簸。塵坩滿几席。頭涔涔痛。偶士廣袖。此卷來示。屬予題言。讀其英主猛將之事。如耳暗啞叱咤之聲。讀其武夫悍卒畸人俠客之事。如目橫槊舞劍。扼腕揚眉之容。讀其忠義捐介節烈之

事。令人想整襟正色。琢廉礪隅之狀。於是拍案呼快。命爵引滿。頭風頓愈。憶昔從山陽賴氏於京師。晡間侍酒。縱譚前古英雄事蹟。以為常。嘗曰。余弱冠游江都。在尾藤二洲塾。翁杯酌間。好說戰國事。醇乎篤行君子。而其中乃有如此者焉。余曰。亦非由有所謂。日本膽耶。士廣平生磨才硯墨。瀟灑風流。文士而兜牟氣象。見于毫端如此。亦無乃此之由乎。夫左右文武者。姚姒子姬之教皆爾。而我民之於武。獨有不待教者焉。加以學。健而順。質而義。以奉

公守官衛社稷保黎元。此所以萬古一姓表東海而
雄於宇宙也。士廣之著是書。意其在于此哉。乙卯孟
陬念三日。題于鷗林卷九里香園。

三語便覽引

松城村上棟梁編三語便覽成。人或謂之曰。無用之
書。不作而可。予曰。曷觀清與廓爾喀之事乎。道光中
英夷侵廣。廓爾喀使告於清曰。吾國與里底所屬之
披撈地相鄰。每受其侮。今聞里底與京屬構兵。願攻
里底屬地。以掎角之。清人不曉。答以蠻觸相攻。天朝

向不過問。却之後。知京屬謂廣東省里底即英夷屬
地云者。謂東印度孟加臘乃大悔矣。不諳夷語之失。
有如此者焉。且英與佛外和而內實相忌。皆洋夷之
尤狡者也。而蘭居其鄰比。與我為舊好。

國家若有事於英。亦必有事於佛。有事於佛。亦必有
事於英。方其時。蘭豈無如廓夷之於清者乎。則通此
三邦之語者。亦邊備之要務。必不可闕也。且夫兵者
知彼為要。當室町之季。我亡卒逋徒襲明。明人欲
索我情。有比彼我語對音者。有詳記將棋戲者。有

翻三十一字爲五七絕句者。今之洋夷皆我敵也。欲審其情而不通其語。惡可。誦者默然。蓋棟梁之著此書。非專供邊防之用也。然在不解洋文如吾曹者。其爲用猶如是其切。况於洋學專門之士乎。及棟梁請序。理前言引諸簡首。嘉永七年甲寅良月。宥陰鹽谷世弘題。

書堯麓集後

癸亥之冬。青山李卿來自水戶。訪敝廬。袖其昆弟四人文稿名堯麓集者。令予批圈之。許諾既而思之。批

圈非古也。蓋自晉人分典籍爲四部。經史子集。判然爲四類。然原其本。四者一也。夫經史子集。非均皆載道者乎。理之精者爲經。次者爲子。以辭勝者爲集。主於叙事者爲史耳。然子而爲經者有之。如孟子大小戴記是也。史而繼經者有之。如春秋內外傳是也。集而可爲子者有之。如韓朱二文公之集是也。然則經史子集。豈有定名哉。亦在其辭理淺深如何耳。若使著書者曰吾書史也。於理無取爾。吾書集也。主於辭爾。則非文章載道之義也。方今雖去聖遠。而人之言

語文章。豈無近于經子者哉。雖名為史為集者。亦豈無以理勝者哉。經而批圈之者。無有。非畏瀆乎。子若史罕矣。獨詩文集。往往批之圈之。甚者至朱藍燦然。眩人目。吾見其流於華也。季卿兄弟。皆紹述其父拙齋先生之業。所志在忠孝大節。其見于辭者。皆經文緯武之事。是是非非。絕無浮華靡麗之習。嘗讀其先子所著書。如皇朝史畧。如明徵錄。如文苑遺談。其為體簡質雅潔。議論確實。切事情。庭訓之所薰陶。併是集皆辭理俱至者矣。果然則叔世所沿襲。批圈以虛

贊之。不幾於瀆其家範乎。謝眺嘗謂人曰。士子聲名未立。宜共辭成。無惜齒牙餘論。方今天下。莫不知水戶有青山兄弟。固母籍乎。吾輩齒牙也。何況批圈乎。及其還書。聊言之。以塞諾云。宏陰鹽谷世弘跋。

書英吉利廣述後

余幼時聽先生長者講禮。至將適舍。求毋固。竊疑其言膚淺。以謂人豈有為賓客而強求物於主人者。不言可。及考英夷於清。屢有所要求。卒有阿片之亂。乃知聖人立教。詳備曲盡。雖一條一節。皆有深意存焉。

噫。求者固盜之漸也。洋夷平日所講利而已。故其於人國。有所欲必求焉。求焉而弗得。則箝制欺誑以要之。猶不能得。則至起兵以奪之。無禮教之弊。乃至于此。人或謂西洋自有學術。有經典。造材之具。至詳至悉。有漢土不能及者焉。而漢學之徒。概乎禽獸斥之。此不知今之夷狄。非昔之夷狄也。然彼所謂學者。書數工藝之末。而道者不過誘愚民之教耳。試看一部二十二史。漢人之於異邦。有訐人而固求。如洪仁輝者乎。無有也。有託祝釐給求。如馬戛爾尼者乎。無有

也。有護過掩罪。強求占據。如喇佛度路利者乎。無有也。有已所不肯食。鬻諸他邦。求而不得。則動兵恐嚇。如義律者乎。無有也。漢人且然。況於

我邦乎。嗚呼。我鎖港以拒夷者。無所求于彼也。豈獨無所求于彼而已哉。雖有所求。而亦不敢求也。而或乃欲以彼所道。施諸我。果施諸我乎。乃是誨民求利也。誨民求利。乃是誨民盜也。可乎哉。可乎哉。安政二年乙卯中秋。

書英吉利圖志後

兵貴精不貴多。此不拔之論也。然攷諸秦漢以下。出師常多。其省而又省。至滿清而極矣。姑舉一二較之。秦伐楚用六十萬人。魏伐吳用八十萬人。而清之征雲貴苗疆。師不過二萬。漢唐宋明討戎狄夷蠻。動輒數十萬。而清之定安南。兵僅萬有八千。岳鍾琪擊青海。軍僅七千。此兵制之絕古今者矣。而至英夷闔國。兵丁不過十七萬。蓋寡之極而精之至也。其橫行宇內。豈末由歟。或曰。清英皆郡縣。兵丁易汰。至封建之邦。君行師從。卿行旅從。吉行猶如此。矧於戎事乎。則

勢有不易省者焉。曰制雖封建。而侯伯大夫士居王都者。僕隸走卒。多取於游民。則亦猶郡縣也。何難汰之有。又聞英夷之簡兵。百人拔十。十人拔一。其練陣。日日而訓之。七日演小隊。七十日演大隊。雖在船在異邦而不廢。及出軍。以銀三十圓安家。上卒月餉銀十圓。下卒六圓。饋豐而遴精。練勤而習熟。其一以當十也。宜且觀其犯清侵印度。非獨因糧於敵。又因兵於敵。本軍雖寡。有勾引接濟之衆。又算之最狡者。弁表而出之。俾講夷防者。知所攷焉。安政二載。歲次旃

蒙單闕。臯月上弦。

書俄羅斯圖志後

偉哉俄羅斯之猛於斷也。其初建國。比達王微行游於他邦。船廠火器局。講習工藝。還國傳授。方佛蘭西之來侵。底利尼王舉國遷避。空其都城。待佛軍深入。潛回縱火擊之。夫比達王時。其臣應不乏材俊。是之不遣躬親為工人。以肄業。比之瞿曇氏之逃山以開教。可謂勞倍而功蓰矣。蝮蝎螫手。人皆知斷臂之可。以免毒。而猶豫不忍者。十常八九。底利尼王一朝舉

其城闕宮室府庫倉廩燔為灰塵。而不之吝。雖晉人之焚朱雀桁。明太宗之遷田橫諸島之民。未可同年而語焉。上既如是。故其部落至有生兒女三四歲。即託之親朋。鞠育教誨。男至堪從軍。女至可婚配。始取之者。事雖如不近人情。而變陋為文。矯枉為直。亦不可無此斷決也。夫以亡國之餘燼。崛起勃興。橫亘歐細。延及墨利加。建振古未曾有之國。以稱雄四海。凡此鴻業偉畧。唯斷乃成矣。吾觀滿清所以待英夷。沿海民戶。有當遷避者焉。西洋器備。有當仿造者焉。有

識之士。上疏建白之。或著書議之。而大臣如穆彰阿者。英輩不采不納。衰如克耳。聞俄羅斯之風。幾何其不恭然恨死耶。

書清蘭鴉片單報後

清商單報。雖不諱敗。有謂小獲為大捷者。亦漢魏故事。破賊文書。以一為十之舊套焉耳。荷蘭屬隸英國。其言多為盟主張皇。二者不足悉信。然合二國之言。參伍而稽之。亦可以得其大概。蓋英有十勝。清有十敗。英師元無名也。故不仇其君。而仇其臣。此吳淠燕

棣鳴寃之術。而兵乃有名。英師元無義也。及建白旗請和。清軍矢炮加之。英將乃以決戰令士卒。此李梁怒我怠寇之謀。而師乃有義一也。西夷住澳門二百餘年。漢土之情莫不知焉。而清人懵然不知彼。二也。孫子曰。無恃其不來。恃吾有以待之。清人以英夷為不必來。而待之者不過備艇匪小盜之方。洎其萬里斫濤而到。則遽然膽奪矣。三也。傳有之。兵貴精。不貴多。英夷選兵。取十八以上。四十五以下。又百中拔一。清之編伍。勇怯相雜。有虛冒。有老弱。汰沙不精。為弊

日久四也。夫子不云乎。以不教民戰。是謂棄之。英以汗馬百戰之餘。國雖無事。必七日而小閱。七旬而大閱。滿兵八旗之制。操練廢弛。加以懸賞新募。所增多貪頑無恥暴橫不習之徒。五也。清調韃人者十之八。英取於印度者三而二。夫印度至熱。北韃至寒。而江浙閩粵。則在經度三十餘。故英夷之侵伐。多以夏秋之際。其士卒適涼。而韃人則不堪熱矣。兵法有陰陽寒暑時制。其戒云。夏不征南。冬不伐北。今英夷以夏入北。而令清人坐犯兵忌。六也。韓昌黎論淮西事宜。

謂客兵滿萬。不如土兵數千。此千古之通論也。清發韃兵萬里羈旅。久役思家。英夷深入。意專有漢奸為之主。或以為鄉導。或以為探報。或以為因糧之計。或以為內應之策。是英轉客為主。而清則主反為客。七也。英以戰鬪為媒。因以復市為結案。乍戰乍和。以愚敵而怠之。清人聚首相謀。和戰之議未決。而銃彈復至矣。故英將有定筭。而清兵無戰志。八也。軍志曰。器械不利。以卒予敵也。又曰。攻是守之機。守是攻之策。漢船不大不牢。不能邀戰而攻之。英艦如城。快蟹如

箭巍然而止。倏然而進。以攻則動於九天之上。以守則藏於九地之下。九也。英取州縣。則出令安民。使之不懼不動。又開倉廩以施之。清有知州知縣。而鹽梟土匪乘亂劫掠。而不能制。十也。雖然英夷豈無釁之可乘哉。其登陸也。黑鬼橫行。鈔財漁色。可謂軍無紀律矣。晝則居城。夜則還船。其城船可襲。其行路可掩。當其船與岸。以砲交戰。清師一敗鼠竄。故州縣被唾手而獲矣。使清將用疊陣數替之法。一軍奔則次軍承後。岸口敗則街巷攔之。或要其險。或扼諸阻。或設

數重伏。或為四面掩覆。因地制勝。批亢搆虛。豈無轉敗為捷之機乎。無如將吏惜命如山。而士卒無敵愾之氣。使英鬼間間乎如行無人之境。信乎民以將為命。將以不吝死為要也。審考兩國之情形。英雖女主。知人善任。清主獨欲戰。而其臣皆不欲戰。蓋爵僕等之才。不減粘元。而耆英伊里布之惟怯。有甚於姚平仲耿南仲。三百年來養士朝。奈何文武悉皆逃。孰謂康熙乾隆之後。委蕭至于斯。悲夫。丁未三月。

題和漢名數三輯首

益軒先生學既成。又乞暇僑居京師。筑侯令歲著書以進焉。蓋一部籍以當一考績。故得優游多年。以撰六十部二百七十餘卷云。嗟乎先生之學固浩矣。然微其君之遇之優。烏得成是業。世有懷抱著述才而或浮沈於卑劇。或奔走於衣食。窮年拙拙不得遂其志者。可歎矣哉。因讀此書。憮然題之。嘉永紀元冬。

題妍醜一覽

記大石內藏助大野九郎兵衛事

吾目無涕。但聽忠孝節烈之事。輒泣矣。幼時從家慈觀演戲。忠臣藏者。絃歌鼓笛之音。紅紫錦綺之色。眩

自湧耳。而余獨咽泣不能語。詰旦照鏡。則雙睫紅腫如毳。家慈笑語人曰。之子平日未嘗泣。而今乃如此。何其與辨慶安宅關之事似也。回憶四十餘年。嗚呼老矣。而家弟又為此傳。殆俾管肝液而潤之。何也。

題鞭駘錄

駑馬可致千里耶。曰可。何以知其可也。吾聞之荀卿氏曰。騏驥一日而千里。駑馬十駕則亦及之矣。使荀卿妄人耶。則已。苟荀卿之非妄人耶。則必不敢欺。後人也。然則十駕之術如何。曰。鞭之。鞭之。鞭之。而又鞭。

今日行十里。明日行十里。行行不息。百年如一。必至所志。斃而後已。其是庶幾及之與。予驚駭也。而有志於千里。以古人為鞭。揮之以氣。以追騏驎之風。寧中道而斃。不願蠢蠢然帖耳乎阜櫪間也。作鞭駘錄。

題享餘一齋後

豐洲先生骨癯神清。詩格高絕。藝與其風度稱。此人所共知。而其胸蘊無量經綸。治國安民之政。食貨刑律之事。細大俱宜。則世或未之悉也。丁酉秋。予奉公命。初謁先生。先生賜座。款語出其近詩。及此卷見眎。

借歸呈之公。公大歎賞。是歲除日。先生遽擢縣令。越二年夏。起遷司計。點檢。而先生年七十有三矣。不知者以為為詩也。其知之者。以為宰輔感韓客之言也。乃先生之所自取。則固自有在焉。予獨思。悲莫悲於不遇。而喜莫喜於遇知己。伯牙絕絃。有志之士。孰無斯情。讀斯卷。而想韓客應酬之時。恍然如仰峨峨之山。而俯洋洋之水也。因寫一本。置之座右。云。天保十年己亥初冬。

五方通語題辭

四瀛九萬里。舟帆航之則小。五洲數百國。文字比之則通。雖然國異其俗。州殊其語。如群芳不勻其采。似衆禽不一其音。欲比而同之。不亦難乎。此村上英俊所以著五方通語也。自有通語之作。邦語可通諸漢土。漢土可通諸英荷。英荷可通諸佛峩諸戎。是故東洋西洋。音異而理同。南海北海。文分而意合。所謂大同者矣。大同之中。自有衆異。有衆異則爭生。爭生則文字以解之。解則和矣。同之與異。爭之與和。如環之無端。似水之弗竭。然則此編之用。洵罔分乎時之

治忽事之文武也。嗟夫撥亂之初。包荒顯比。有容焉以豁宏度。守成之後。閉邪防姦。靡怙焉以釀深害。乃寬乃猛。惟中惟時。大哉祖猷。深矣宗範。紹之後者。亦在審前軌之意而裁之焉耳。且政理由俗而制焉。國是豈因彼而變哉。治不備亂。何以保治安。不慮危。烏能居安。外開春熙陽舒之形。內伏秋肅陰閉之機。綱紀之意。可忖而知已。文辭之用。其係外事者最重矣。不通道原則不能立誠。不達治體則罔以修辭。操觚之士。慎勿舞文翰以傷國體焉哉。英俊請序云。是書

專備綴蕃文之用。因言此以冠之。丙辰葭月旬五日。

題高鍋孝子傳

讀史至

孝謙帝詔天下家藏孝經一本。未嘗不嘆

先皇孝治之深也。當時孝弟旌表者。策不絕書。比屋可

封之風。可想見焉。自世教衰。民僻於行。惇行變為氣

節。再變為詭激。卒降為邪說。詖行。嗚呼

先皇孝治之意。豈圖斯民之至於此哉。秋月世子手撰

藩孝子傳。將銀之木。頒其臣民。以滋興孝弟之化。世

之邦君盡效是意。則民風之復古者。或可庶幾歟。予

執經藝與世子游二十年。聞其孝乎親矣。觀其弟乎

長矣。世子豈特以文帥先人而已乎哉。慶應改元乙

丑。桂月穀旦。昌平學士鹽谷世弘題。

題逸見氏輿地圖

南踏南海。西踵山陽。東北極奧羽。三觀乎相洋。七周

覽乎毛總之野。游履所躡。八九千里。每夾長子玉地

圖。攀山覘水。瞻都邑田垌。尋名蹟。訪古戰場。必對照

而比檢之。然予無九章學。至星度經緯。河嶽勾股。州

郡之廣輪原隰墳衍之曲面窅隆不能毫釐測之畧領大勢而已今閱是圖比子玉更加精緻昔者見猪敬所於

京師談及古戰蹟敬所曰中履軒攝州人而所著通語於一谷鶻越地形眷如也學者麤於地理往往如此予因以大警焉斯圖之出也鹵莽如予者亦足坐焉以指掌寰中可謂圖經也夫慶應乙丑孟夏宥陰老人世弘題於昌平蠻之流翠亭

題英吉利圖志

清之與英嘗有鴉煙事故魏氏纂海國圖志於英夷特詳蓋清人畏英如虎以為勢未知所底以余觀之英夷將不久而衰何以言之曰有天道焉有人道焉夫英夷逞暴八溟者非由主杰臣豪乎天之生俊豪也不數又不必聚於一邦清人九戰九敗者由以耆英伊里布之孱懦當伯麥布爾利之桀驁爾使天下各國為將者盡者伊而英之世將皆伯布乎則未可知苟不然英豈有百戰百勝之理哉故嘗與華盛頓戰而敗伐滿刺甸而敗入瑞典而敗襲越南而敗與

羅刹佛蘭祭戰而互有勝敗。此前事之昭昭者也。且夫興甲兵好爭鬪者。必構怨于各方。非獨構怨于各方。其民又必怨之。民怨則天亦怨之矣。書曰。怨豈在明。不見是圖。符堅以百萬之衆伐晉。欲一舉取之。而不知慕容垂窺其後。清高宗平準部。定回疆。征金川。緬甸。伐喀爾喀。自以為駕周宣軼漢武。而不知亂作于湖北四川。英之攻廣東鄂喀二夷。謀襲印度。清人不之應而止。嚮使清人喪上海而不屈。失鎮江而不沮。雖亡南京而不愆。有堅忍不拔之志。以固守外煽。

群怨以犄角之。則英將自潰之。不暇。伯西爾國有異虎。餓時百夫不能當。值其飽後。一犬足斃之。彼英夷者亦既飽而羸矣。故曰。將不久而衰。簡堂羽君謂鄂猶水浸滂而進。英猶火。雖熾易燔。允哉是言。安政二年乙卯夏五月。

書夷情備采前

鹽子讀夷情備采。至華事夷言喟然而嘆。旁人問何嘆。曰。感孔子之道漸於四夷也。舉西洋南洋北洋。皆用蠲文。而用漢文者。不過滿清安南朝鮮數國。文且

不通惡能入其道。曰有兆見焉。請近喻之。好妍惡醜。人之性也。厭粗尚精。人之情也。今夫洋字之爲形。糾結佶屈。蜿蜿然。孑孑然。直者如犬牙。圓者如蚓蟠。屈者如螳斧。伸者如蝸涎。如枯髀。如朽顱。如死蛇腐蝎。蠃蜒之腊。點畫所成。非有象形之準也。非有會意之義也。非有指事之理也。若夫黃帝所制。倉頡所造。觀於天地。取於人事。察於庶品。一點一畫。皆包理象。一字一文。悉蘊精義。偏旁勻停。形勢森秀。俯仰如端士。顧眄如佳人。結構如金殿玉樓。而鎔鑄如寶鼎宗彝。

及其組織成章。有轉注之訓。有翻切之音。有假借之通。有死活之變。理該而用廣。句省而意足。孰妍孰醜。有目者自知之。孰精孰粗。有知覺者無不辨。故鄂遣學生於北京。而英請效之。墨建堅夏書院於新嘉坡。英作愛華堂於香港。興華英書院於麻六甲。皆爲學漢文設。耶馬尼人譯詩經。普魯社人譯四書。英人譯康熙字典。駸駸乎有嚮往之意。夫用蠹文之國。居多者。未開之地。多故也。佛人食嬰孩。墨夷男女赤裸。在彼紀曆千六百七十年間尚然。其風氣尨荒。人文闇忽。

者可知。洋夷畫人物。惟一片黑影。常自詡其巧緻。而
 謂漢畫以為重寫意。虛多實少。然英女主嘗使繪師
 像其真。不許摹黑影。豈非憎其損美歟。觀乎畫而知
 乎文。觀乎文而知乎道。吾知其漸將自惡自厭矣。故
 曰有兆焉。會夷情篇。按訖。因題是語於簡端。安政三
 年。暢月中浣。

其目古今之變。雖有而因。貴於合而適。又其時。雖有而
 其目古今之變。雖有而因。貴於合而適。又其時。雖有而
 其目古今之變。雖有而因。貴於合而適。又其時。雖有而

010190527137

